


Presentacion di buki y CD "Insights of Truth" di Marjorie Rumnit



ORANJESTAD (AAN): Dia 28 di februari a tuma lugar presentacion di e buki di poesia y disco compacto di ARTA, e seudonimo di

Marjorie Rumnit. E buki y e disco no ta uno cu nos ta custumbra di mira; e ta dedica na tur edad, grandi y chikito!

Marjorie ta un persona yena cu spiritualidad y el a sa di comparti esaki cu su famia y tur otro rond di dje. Por ehempel como mama cu



ta lesa na scol cu hobennan, guia muchanan na YMCA cu huiswerk pero tambe comparti aspectonan spiritual, norma y balornan.

E hubentud ta un di su gruponan di enfoce ya cu nos hobennan ta hopi vulnerabel. Nos tur ta desea lo miho pa nos muchanan, pero esey ta nifica cu nos mester inverti no solamente den cosnan material, pero tambe uza nos propio talentonan pa transmiti e norma y balornan cu nos a haya for di nos grandinan. Wel Marjorie ta un ehempel asina.

Insights of Truth ta un coleccion di prosa, poesia y textonan di meditacion cu Marjorie a compila durante e ultimo diescuatro añanan. Nan ta un reflexion di experiencia propio di Marjorie tocante bida y e meta di nos bida den e mundo aki. E topiconan ta tocante Amor, Paz, Tolerancia y Fe. Nos no ta descarta cu tin desaroyonan negativo cu por influencia nos bida y stroba nos di muestra amor pa otro, pero si cada uno di nos haci un poco esfuerso personal pa traha ariba e paz interno y transmiti mensahenan positivo, nos ta contribui na e proceso di paz mundial.

Pa medio di e buki Insights of Truth, Marjorie ta duna nos diferente herment pa logra esaki. Insights of Truth

no ta un buki pa lesa un solo biaha y despues ward'e; e mester ta banda di bo cama, riba bo lessenaar pa consulta regularmente frasenan di Amor, Compasion y Paz. Cu e buki y disco Marjorie ta muestra su talentonan, como poeta, compositor, declamado y cantante.

UNOCA un bes mas ta sintie honra di por contribui cu realisacion di un proyecto cu nos ta spera cu lo haya un bon acogida den comunidad. Algun citacion di Insights Of Truth:

"I Am Life. All is one in Me. Cherish this Wisdom; have Peace in your heart"∞

While living in this awareness we have the power to touch lives and to transform this world into a World of Love, where compassion, tolerance, patience, forgiveness and understanding reign. We will be living our life's purposes. We will shine brighter, light up our surroundings and inspire our neighbours.

∞ The most efficient way to change the World is to perfect yourself ∞